

Sadržaj dokumenta:

- **Zakon o akcizama u BiH** (»Službeni gl.BiH« br.62/04)

- **Zakon o izmjenama i dopunama Zakona o akcizama u BiH** (»Službeni gl.BiH« br.48/05)

Na osnovu clana IV 4. a) Ustava Bosne i Hercegovine, Parlamentarna skupština Bosne i Hercegovine, na 49. sjednici Predstavničkog doma, održanoj 29. decembra 2004. godine i 36. sjednici Doma naroda, održanoj 29. decembra 2004. godine, usvojila je

ZAKON O AKCIZAMA U BOSNI I HERCEGOVINI

I - OPŠTE ODREDBE

Clan 1.

(1) Ovim zakonom uređuje se oporezivanje prometa određenih vrsta proizvoda (u daljem tekstu: akcizni proizvodi) posebnim oblikom poreza - akcizom, na teritoriji Bosne i Hercegovine (u daljem tekstu: BiH).

(2) Odredbe ovog zakona primjenjuju se i na putarinu.

Clan 2.

(1) Prihodi po osnovu akciza uplacuju se na Jedinствeni račun Uprave za indirektno oporezivanje (u daljem tekstu: Uprava), a njihova raspodjela vrši se u skladu sa Zakonom o uplatama na jedinstveni račun i raspodjeli prihoda ("Službeni glasnik BiH" broj 55/04).

Clan 3.

(1) U smislu ovog zakona:

"Pravno lice" - znaci svako pravno lice koje je, u skladu sa važećim propisima, registrovano kod nadležnog suda za proizvodnju, uvoz ili promet akciznih proizvoda iz clana 4. ovog zakona;

"Preduzetnik" - znaci svako fizičko lice koje je kod nadležnog organa registrovano za proizvodnju ili promet akciznih proizvoda iz clana 4. ovog zakona;

"Gradanin" - znaci svaki pojedinac, stanovnik Bosne i Hercegovine.

"Uprava" - oznacava Upravu za indirektno oporezivanje;

"Upravni odbor" - oznacava Upravni odbor Uprave za indirektno oporezivanje BiH.

II - PREDMET OPOREZIVANjA

Clan 4.

(1) Predmet oporezivanja je promet akciznih proizvoda.

(2) Akciznim proizvodima smatraju se:

1. derivati nafte;
2. duhanske preradevine;
3. bezalkoholna pica;
4. alkohol i alkoholna pica;
5. pivo i vino
6. kafa (sirova, pržena, mljevena i ekstrakti kafe);

III - NASTANAK OBAVEZE OBRACUNAVANjA AKCIZE

Clan 5.

(1) Obaveza obracunavanja akcize po osnovu prometa akciznih proizvoda nastaje:

1. u trenutku izdavanja racuna o prodaji, odnosno u trenutku isporuke proizvoda drugom licu ako je isporuka obavljena prije izdavanja racuna;
2. u trenutku carinjenja pri uvozu akciznih proizvoda i isporuke akciznih proizvoda u slobodne carinske zone i specijalizovana skladišta.

- (2) Obaveza obracunavanja akcize nastaje i u trenutku:
1. utvrdivanja manjka, koji se ne može pravdati višom silom;
 2. rashodovanja (kalo, rastur, kvar i lom), iznad količine određene aktom Upravnog odbora koji će se zasnovati na opštim trgovinskim uzansama;
 3. sopstvene potrošnje akciznih proizvoda.
- (3) Za duhanske preradevine, porezna obaveza nastaje podnošenjem zahtjeva za štampanjem poreskih markica.
- (4) Za alkoholna pica poreska obaveza nastaje preuzimanjem kontrolnih markica.

IV - PORESKI OBVEZNIK

Clan 6.

- (1) Poreski obveznik je pravno lice i preduzetnik koji akcizne proizvode iz clana 4. stavi u promet u smislu clana 5. ovog zakona.
- (2) Pravno lice ili preduzetnik, koji nabavi alkoholna pica i vino neposredno od gradanina - proizvođača, smatra se poreskim obveznikom u smislu ovog zakona.
- (3) Poreski obveznik dužan je da, prije početka obavljanja djelatnosti iz koje proistice poreska obaveza, prijavi poreskom organu mjesto obavljanja djelatnosti.

V - PORESKA OSNOVICA

Clan 7.

- (1) Poreska osnovica određena je:
1. količinom, za akcizne proizvode za koje se akciza plaća po mjernoj jedinici;
 2. maloprodajnom cijenom u koju nije uračunat porez na dodatu vrijednost (u daljem tekstu: PDV) a do njegovog uvođenja porez na promet proizvoda za duhanske preradevine.
- (2) Poreska osnovica u slučaju prometa iz clana 5. stav 2. određena je količinom manjka koji ne može da se pravda višom silom, količinom rashodovanja (kalo, rastur, kvar i lom) iznad količine određene aktom Upravnog odbora.

VI - PORESKE STOPE

Clan 8.

- (1) Akciza se plaća u apsolutnom iznosu po mjernoj jedinici ili po proporcionalnoj stopi.

Clan 9.

- (1) Na promet derivata nafte akciza se plaća po litru, i to na:
1. petrolej 0,30 KM;
 2. dizel-gorivo 0,30 KM;
 3. ulje za loženje ekstra lako (ES) i lako specijalno (LS) 0,30 KM;
 4. motorni benzin - bezolovni 0,35 KM;
 5. motorni benzin 0,40 KM.
- (2) Na promet derivata nafte iz stava 1. tac. 2, 4. i 5. ovog clana plaća se putarina po litru u iznosu od 0.15 KM.

Clan 10.

- (1) Na promet sljedećih akciznih proizvoda akciza se plaća po litri i to:
1. bezalkoholna pica 0.10 KM;
 2. pivo 0.20 KM;
 3. vino 0.25 KM.
- (2) Bezalkoholnim picima, u smislu ovog zakona, ne smatraju se prirodni sokovi bez konzervansa i prirodne mineralne, gazirane i negazirane vode.

Clan 11.

- (1) Na promet alkohola i alkoholnih pica akciza se plaća po litri apsolutnog alkohola, i to:
1. alkoholna pica 15 KM;
 2. etil-alkohol 15 KM.

Clan 12.

(1) Ako se pica iz cl. 10. i 11. ovog zakona stavljaju u promet u pakovanju vecem ili manjem od jednog litra, akciza se placa srazmjerno kolicini u pakovanju.

Clan 13.

(1) Na promet kafe akciza se placa po kilogramu, i to za:

1. sirovu kafu 1,00 KM;
2. prženu i mljevenu kafu 2,50 KM;
3. ekstrakt kafe, pržene ljuspe i opne 3,50 KM.

(2) Ako se kafa stavlja u promet u pakovanjima vecim ili manjim od jednog kilograma, akciza se placa srazmjerno kolicini u pakovanju.

Clan 14.

(1) Na promet duhanskih preradevina akciza se placa po stopi od 49% na osnovicu utvrđenu u skladu s clanom 7. tacka 2. ovog zakona.

Clan 15.

(1) Proizvodac, odnosno uvoznik dužan je da na etiketi i drugom dokumentu koji prati akcizne proizvode oznaci sirovinski sastav, vrstu, kvalitet i druga svojstva akciznih proizvoda bitna za utvrđivanje poreske obaveze, te da u fakturi navede nominalni iznos i mjernu jedinicu, odnosno stopu po kojoj se obracunava i placa akciza kao i iznos poreske obaveze.

(2) U slucaju da su akcizni proizvodi proizvedeni od dva ili više razlicitih materijala, smatra se da su izradeni od onog materijala koji je u njima pretežno sadržan po vrijednosti u odnosu na ukupnu vrijednost akciznih proizvoda.

Clan 16.

(1) Obveznik akcize na akcizne proizvode iz clana 4. stav 2. tac. 1, 3, 4. i 5. ovog zakona dužan je o svom trošku da nabavi i ugradi mjerne instrumente, instalacije, brojace utoka i istoka i druge uredaje potrebne za mjerenje akciznih proizvoda, uz potvrdu nadležnog organa za metrologiju da navedeni uredaji odgovaraju mjernim zahtjevima.

(2) Uprava ce da plombira uredaje iz stava 1. ovog clana, a popravak i zamjena uredaja mogu da se obavljaju isključivo uz ovlaštenje predstavnika poreskog organa.

VII - OSLOBAĐANJE OD AKCIZE

Clan 17.

(1) Akciza se ne placa na:

1. akcizne proizvode koje se izvoze;
2. akcizne proizvode koje se pod nadzorom poreskog organa uništavaju ili cine neupotrebljivim za korištenje.

(2) Odredbe stava 1. tacka 1. ovog clana ne odnose se na akcizne proizvode koji se, u skladu sa posebnim propisima, prodaju u specijalizovanim skladištima i slobodnim carinskim zonama.

VIII - PLACANJE AKCIZE

Clan 18.

(1) Obracunatu akcizu iz clana 5. poreski obaveznik dužan je da uplati u rokovima propisanim ovim zakonom.

(2) U slucajevima iz clana 5. stav (1) tacka 1, poreski obaveznik dužan je da plati akcizu u roku od pet dana po isteku nedjelje u kojoj je obavljen promet na vrijednost prodanih akciznih proizvoda.

(3) U slucajevima iz clana 5. stav 1. tacka 2. ovog zakona, poreski obaveznik dužan je da plati akcizu u roku za placanje carine i drugih uvoznih dažbina;

(4) U slucajevima iz clana 5. stav 2. ovog zakona, poreski obaveznik dužan je da plati akcizu u trenutku obracuna;

(5) Za duhanske preradevine, obaveza placanja obracunate akcize nastaje u trenutku preuzimanja poreskih markica;

(6) Za alkoholna pica obaveza placanja obracunate akcize nastaje po preuzimanju kontrolnih markica;

(7) Za etil-alkohol obavezno se polaže garancija banke koju prihvati Uprava na iznos obracunate akcize, a koja se oslobada preuzimanjem kontrolnih markica za akcizni proizvod za koji je etil-alkohol korišten kao reprodukcioni materijal.

Clan 19.

(1) Na iznos akcize koja nije placena u zakonom propisanom roku i na propisani racun placa se kamata u visini od 0.06% dnevno.

(2) Od poreskog obaveznika koji akcizu nije uplatio u propisanom roku i na propisani racun naplata ce da se izvrši prinudnim putem.

(3) Nadležna poreska uprava postupak prinudne naplate sprovodi izdavanjem naloga za prisilnu naplatu putem prenosa sredstava sa racuna poreskog obaveznika na odgovarajuci racun za uplatu poreza.

(4) Ako na nacin iz stava 2. ovog clana ne može u potpunosti da se naplati poreska obaveza, nadležna poreska uprava donosi rješenje o prisilnoj naplati poreza iz cjelokupne imovine poreskog obaveznika.

(5) Troškovi prisilne naplate padaju na teret poreskog obaveznika.

IX - PORESKE EVIDENCIJE

Clan 20.

(1) Poreski obveznik dužan je da sacini:

1. mjesečni obracun poreske obaveze i dostavi ga poreskom organu najkasnije do desetog dana u mjesecu za prethodni mjesec;

2. godišnji obracun poreske obaveze i dostavi ga poreskom organu najkasnije do 10. marta tekuće godine za prethodnu godinu.

Clan 21.

(1) Poreski obveznik koji akcizne proizvode proizvede, uveze i/ili na drugi nacin izvrši promet u smislu clana 5, dužan je da vodi dnevnu evidenciju o njihovoj proizvodnji, uvozu, nabavci, prometu i stanju.

(2) Poreski obveznik dužan je da sacini vanknjigovodstvenu evidenciju koja treba da sadrži podatke, koji nisu sadržani u knjigovodstvu, a koji se odnose na poreske osnovice i poreske stope na osnovu kojih je izvršen obracun i placanje akcize.

Clan 22.

(1) Poreski obveznik dužan je da, prilikom sacinjavanja godišnjeg obracuna poreske obaveze, izvrši popis zaliha akciznih proizvoda i repromaterijala na dan 31. decembra godine za koju sacinjava obracun.

X - PORESKE I KONTROLNE MARKICE

Clan 23.

(1) Duhanske preradevine u prometu u BiH moraju da budu oznacene poreskim markicama. Oblik, sadržinu i zaštitu poreskih markica, proceduru štampanja, cuvanja i postupanja propisace Upravni odbor posebnim aktom.

(2) Alkoholna pica i vino, koji su u prometu u BiH, moraju da budu oznaceni kontrolnim markicama. Oblik, sadržinu i zaštitu kontrolnih markica, proceduru štampanja, cuvanja i postupanja propisace Upravni odbor posebnim aktom.

(3) Izuzetno od odredbi stava 2. ovog clana, alkoholna pica koja sadrže do 5% alkohola mogu da se stavljaju u promet bez kontrolnih markica.

(4) Poreske i kontrolne markice izdaje Uprava na zahtjev poreskog obaveznika.

(5) Maloprodajne cijene duhanskih preradevina, poreski obveznik mora da prijavi Upravi prije njihovog stavljanja u promet.

(6) Za duhanske preradevine, alkoholna pica i vino poreski obaveznik dužan je da nalijepi poreske, odnosno kontrolne markice, na pakovanju namijenjenom za prodaju na malo, na način koji sprečava korištenje sadržaja bez oštećenja poreske, odnosno kontrolne markice (ispod celofanskog ili drugog omota kojim je obložena akcizna roba i sl.).

(7) Duhanske preradevine, alkoholna pica i vino bez poreskih, odnosno kontrolnih markica smatraju se akciznim proizvodima na koje nije obracunata akciza, izuzev alkoholnih pica iz stava 3. ovog clana.

(8) Duhanske preradevine, alkoholna pica i vino koji se izvoze, osim onih koji se prodaju u slobodnim carinskim prodavnicama, specijalizovanim skladištima i u slobodnim zonama, ne moraju da budu obilježeni poreskim, odnosno kontrolnim markicama, ali na ambalaži ili na posebnoj markici moraju da imaju utisnute riječi: "samo za izvoz" ili na engleskom jeziku: "for export only".

XI - KONTROLA OBRACUNAVANJA I PLACANJA AKCIZA

Clan 24.

(1) Kontrolu obracuna i uplate akcize vrši Uprava.

(2) Ako Uprava kontrolom utvrdi da poreski obveznik nije obracunao, nije tacno obracunao i/ili platio akcizu, donijeće rješenje o utvrđivanju poreske obaveze i naložiti uplatu.

(3) Ako se u toku kontrole utvrdi da poslovne knjige nisu vodene ili nisu vodene uredno, Uprava će da utvrdi poresku obavezu na osnovu raspoloživih podataka. Ako takvi podaci ne postoje, odnosno nisu dostupni, utvrđivanje poreske obaveze izvršice upoređivanjem sa drugim obveznikom koji obavlja istu ili slicnu djelatnost pod istim ili približno istim uslovima.

XII -PRAVNA SREDSTVA

Clan 25.

(1) Protiv rješenja iz clana 24. st. 2. i 3. ovog zakona poreski obveznik ima pravo žalbe u roku od 15 dana od dana prijema rješenja.

(2) Žalba se podnosi direktoru Uprave putem organa nadležne poreske uprave koji je donio prvostepeno rješenje.

(3) Žalba ne odgaga izvršenje rješenja.

XIII - POVRAT POREZA

Clan 26.

(1) Poreski obveznik koji izvozi akcizne proizvode za koje je prethodno placena akciza ima pravo na povrat uplacenog iznosa.

(2) Poreski obveznik iz stava 1. ovog clana podnosi zahtjev za povrat uplacene akcize Upravi.

(3) Poreski obveznik koji je prethodno uplatio akcizu, koju nije bio dužan da plati, ima pravo na povrat iznosa uplacenog po osnovi akcize, kamate, troškova prinudne naplate i/ili novcane kazne, ako akcizu nije obracunao i naplatio od drugog lica.

XIV - KAZNENE ODREDBE

Clan 27.

(1) Novcanom kaznom od 3.000 KM do 20.000 KM kaznice se za prekršaj pravno lice i preduzetnik ako:

1. ne obracunava ili netacno obracunava akcizu (clan 5.);

2. ne prijavi mjesto obavljanja djelatnosti (clan 6. stav 3);

3. se na dokumentu koji prati akcizni proizvod ili na akciznom proizvodu ne nalaze podaci o sirovinskom sastavu, vrsti, kvalitetu i drugim svojstvima bitnim za utvrđivanje poreske obaveze ili ako su ti podaci netacni ili ako faktura ne sadrži propisane podatke (clan 15.);

4. ne ugradi mjerne instrumente i uredaje ili ne pribavi potvrdu nadležnog organa za metrologiju (clan 16.);

5. akcizu ne plati na propisani racun ili je ne plati u propisanom roku (clan 2. i clan 18.);

6. ne vodi propisane evidencije (cl. 20.i 21.)

7. ne izvrši popis zaliha akciznih proizvoda i repromaterijala (clan 22.);

8. ne prijavi maloprodajne cijene duhanskih preradevina Upravi prije puštanja u promet ili ako ih prodaje po višim ili nižim cijenama od prijavljenih (član 23. stav 5.);
9. duhanske preradevine i alkoholna pica stavi u promet a da pojedinačno svaki akcizni proizvod nije obilježen poreskom, odnosno kontrolnom markicom, izuzev alkoholnih pica do 5% alkohola (član 23.);
- (2) Za prekršaj iz stava 1. ovog člana kaznice se odgovorno fizičko lice zaposleno u pravnom licu novčanom kaznom od 1.000 KM do 10.000 KM.
- (3) Akcizni proizvodi zatečeni u prometu bez nalijepljenih poreskih, odnosno kontrolnih markica, izuzev alkoholnih pica do 5% alkohola, bice oduzeti i uništeni pod nadzorom Uprave.

XV - PRELAZNE I ZAVRŠNE ODREDBE

Član 28.

- (1) Upravni odbor će, u roku od 30 dana od dana stupanja na snagu ovog zakona, donijeti propise o načinu obračunavanja i plaćanju akcize, sadržini i načinu vođenja evidencija, sacinjavanju i dostavljanju mjesečnih i godišnjih izvještaja.
- (2) Upravni odbor će, u roku od 60 dana od dana stupanja na snagu ovog zakona, donijeti:
1. propise o ugradnji mjernih instrumenata i ovlaštenjima Uprave iz člana 16. ovog zakona;
 2. propise o štampanju i izdavanju poreskih i kontrolnih markica.
- (3) U periodu dok, u rokovima predviđenim u stavovima (1) i (2) ovog člana, Upravni odbor ne usvoji potpune propise za primjenu ovog zakona, a s ciljem postizanja osiguranja stabilnosti javnih prihoda i najpovoljnijeg tretmana poreznih obveznika, Upravni odbor može, u situacijama koje nisu potpuno ili prikladno riješene privremenim propisima za primjenu ovog zakona, odabrati da primijeni na cijeloj teritoriji Bosne i Hercegovine odgovarajuće propise ili dijelove tih propisa, koji su bili ranije na snazi u Federaciji BiH, Republici Srpskoj ili Brčko Distriktu.
- (4) U slučaju iz stava 3. ovog člana, Upravni odbor mora da izda odgo varajuće instrukcije, Upravi i poreskim upravama Federacije BiH, Republike Srpske i Brčko Distrikta.

Član 29.

- (1) Do uvođenja jedinstvene poreske i kontrolne markice, a najkasnije do 30. juna 2005. godine, duhanske preradevine i alkoholna pica mogu da se stavljaju u promet označeni postojećim poreskim i kontrolnim markicama.
- (2) Poreski obveznici akcize na duhanske preradevine i pravna lica i preduzetnici koji se bave prometom duhanskih preradevina dužni su da popišu zalihe duhanskih preradevina na dan početka primjene ovog zakona i zapisnik dostave poreskim upravama entiteta i Distrikta u roku od sedam dana od dana početka primjene ovog zakona, osim ako drugacije ne odluci Upravni odbor.
- (3) Poreski obveznici akcize na duhanske preradevine dužni su da prijave nove maloprodajne cijene Poreskoj upravi entiteta i Distrikta prema svom sjedištu i Upravi, u roku od sedam dana od dana izvršenog popisa, osim ako drugacije ne odluci Upravni odbor.

Član 30.

- (1) Poreski obveznici te pravna lica i preduzetnici, koji se bave prometom duhanskih preradevina, dužni su na zatecene zalihe utvrđene zapisnikom iz člana 29. stav 2. ovog zakona da obračunaju razliku akcize na novu poresku osnovicu koju čini nova maloprodajna cijena umanjena za porez na promet proizvoda i već plaćene akcize.
- (2) Poreski obveznici, pravna lica i preduzetnici dužni su da prodaju duhanske preradevine po novim maloprodajnim cijenama, koje moraju da budu istaknute na vidnom mjestu maloprodajnog objekta.

Član 31.

- (1) Ovlašćuju se entitetska ministarstva finansija i Poreska uprava Distrikta da obezbijede kontinuirano štampanje postojećih poreskih i kontrolnih markica do roka iz člana 29. stav 1. ovog zakona.

Član 32.

(1) Izuzetno od odredbi člana 24. ovog zakona, kontrolu obracuna i naplate akciza ciji je obveznik proizvođač vrše poreske uprave entiteta i Distrikta.

(2) Uprava će da preuzme kontrolu obracuna i naplate akciza iz stava 1. ovog člana najkasnije do 30. juna 2005. godine u skladu s članom 25. stav 2. Zakona o sistemu indirektnog oporezivanja u BiH ("Službeni glasnik BiH", br. 44/03 i 52/04).

Član 33.

(1) Danom početka primjene ovog zakona prestaju da važe:

u Federaciji BiH

Zakon o posebnom porezu na pivo ("Službene novine Federacije BiH", br. 6/95, 51/99 52/01 i 37/03);

Zakon o posebnom porezu na alkohol ("Službene novine Federacije BiH", br. 6/95, 51/99 52/01 i 37/03);

Zakon o posebnom porezu na kafu ("Službene novine Federacije BiH", br. 6/95, 51/99 52/01 i 37/03);

Zakon o posebnom porezu na bezalkoholna pica ("Službene novine Federacije BiH", br. 6/95, 51/99 52/01, 37/03 i 39/04);

Zakon o posebnom porezu na naftu i naftne derivate ("Službene novine Federacije BiH", br. 6/95, 27/98, 41/98, 51/99, 29/02 i 37/03);

Zakon o posebnom porezu na duhanske proizvode ("Službene novine Federacije BiH", br. 6/95, 13/00 i 52/01); i

Odluka o visini naknade za puteve ("Službene novine Federacije BiH", br. 57/02 i 37/03).

u Republici Srpskoj

Zakon o akcizama i porezu na promet ("Službeni glasnik RS", br. 25/02, 30/02, 60/03 i 96/03); i

Članovi 2a. i 2b. Zakona o posebnim republičkim taksama ("Službeni glasnik RS", broj 8/94, 29/00, 18/01, 22/01 i 60-II. dio/03).

u Brčko Distriktu BiH

Zakon o akcizama ("Službeni glasnik Brčko Distrikta", br. 2/02 i 16/03); i

Zakon o naknadi za puteve iz maloprodajne cijene naftnih derivata ("Službeni glasnik Brčko Distrikta BiH", br. 2/03 i 16/03).

Član 34.

Ovaj zakon stupa na snagu danom objavljivanja u "Službenom glasniku BiH", a primjenjivace se od 1. januara 2005. godine.

ODLUKU

KOJOM SE DONOSI ZAKON O IZMJENAMA I DOPUNAMA ZAKONA O AKCIZAMA U BOSNI I HERCEGOVINI

("Službeni glasnik BiH", broj 62/04)

koji se nalazi u prilogu Odluke i čini njen sastavni dio.

Taj zakon stupa na snagu kao zakon Bosne i Hercegovine danom predviđenim u članu 3, na privremenoj osnovi, sve dok ga Parlamentarna skupština Bosne i Hercegovine ne usvoji u istom obliku, bez izmjena i dopuna i bez dodatnih uslova.

Ova odluka stupa na snagu odmah i odmah se objavljuje u "Službenom glasniku BiH".

Broj 362/05
14. jula 2005. godine
Sarajevo
Visoki predstavnik
Paddy Ashdown, s. r.
ZAKON

O IZMJENAMA I DOPUNAMA ZAKONA O AKCIZAMA U BOSNI I HERCEGOVINI

Član 1.

U članu 29. stav 1. datum: "30. juna 2005. godine" mijenja se i glasi: "31. decembra 2005. godine".

Član 2.

Član 31. mijenja se i glasi:

"Ovlašćuju se entitetska ministarstva finansija i Poreska uprava Brčko Distrikta da osiguraju
kontinuirano

štampanje postojećih poreskih i kontrolnih markica do roka iz člana 29. stav 1. ovog zakona, osim ako

Upravni

odbor ne donese odluku kojom se odobrava štampanje i izdavanje jedinstvene poreske i kontrolne
markice."

Član 3.

Ovaj zakon stupa na snagu odmah i odmah se objavljuje u "Službenom glasniku BiH".